

Damir Karahodža, dipl. oec. - Završni magistarski rad

Fakultet/Akademija	EKONOMSKI FAKULTET
Tip Rada	Završni magistarski rad
Kandidat, zvanje	Damir Karahodža, dipl. oec.
Naziv Teme	Uticaj primjene Balanced Scorecard koncepta na uspješnost poslovanja osiguravajućih društava u Bosni i Hercegovini
Rezime/Abstract	<p>Osiguravajuća društva kao finansijske institucije i institucionalni investitori zauzimaju veoma značajno mjesto na globalnom nivou. Takođe, imaju jasnu ulogu i na tržištu Bosne i Hercegovine koje iako neuređeno sa osiguravateljskog aspekta utiče na osnovu ekonomskog razvoja naše zemlje. I to prije svega u funkciji zaštite privrednih subjekata i fizičkih lica akumuliranjem sredstava u formi fonda iz koga se crpe značajna sredstva za pokriće preuzetih rizika. Na tržištu vladaju zakoni ponude i potražnje, a osiguravajuća društva imaju zadatak zadovoljiti sve interesne skupine u tom procesu ali i ostvariti svoje ciljeve. Evidentna je utrka osiguravajućih društava isključivo za premijom osiguranja, pri čemu se zanemaruju fundamentalni aspekti osiguravateljske struke ali i upravljanja takvim društvima, bez jasno istaknute misije, vizije i strategije. U uslovima konstantnih i dinamičnih promjena menadžerima ne preostaje ništa drugo nego postavljanje i kontinuirano preispitivanje implementiranih strategija poslovanja u cilju efikasnih dugoročnih odluka. Pitanje je, samo koliko su menadžeri spremni u svakom pogledu da odgovore izazovnim zahtjevima tržišta. Kontinuirano učenje je optimalan odgovor na takvo pitanje. Danas postoje različiti alati i metode koje se koriste u strategijskom upravljanju. Balanced Scorecard je savremena metoda koja se koristi u strategijskom upravljanju savremenim organizacijama za usklađivanje aktivnosti postavljenih misijom, vizijom i strategijom s ciljem poboljšanja internih i eksternih komunikacija, uz stalno praćenje organizacionih performansi u skladu sa strategijskim ciljevima. Predmet istraživanja u završnom magistarskom radu je uspješnost poslovanja osiguravajućih društava u Bosni i Hercegovini pod uticajem primjene Balanced Scorecard koncepta. Pravilnim postavljanjem teoretske osnove BSC koncepta, zatim razvojem BSC-a kao faktora strategijskog upravljanja i formiranjem istraživačkog modela, prema metodologiji ESOMAR, izvršeno je istraživanje uticaja BSC koncepta na uspješnost poslovanja osiguravajućih društava u Bosni i Hercegovini. Provedeno istraživanje imalo je za cilj upoznati nas sa različitim alatima strategijskog upravljanja, s posebnim osvrtom na Balanced Scorecard i njegov uticaj na uspješnost poslovanja osiguravajućih društava u Bosni i Hercegovini, prednosti korištenja tog alata, te mogućnosti njegovog korištenja u svrhu unapređenja cijelokupnog sistema rukovodenja osiguravajućih društava, kao i postaviti jasne odrednice za buduća istraživanja u ovoj oblasti. U skladu sa predmetom i problemom istraživanja, te opštim ciljem istraživanja, u radu je postavljena i dokazana osnovna istraživačka hipoteza koja glasi: "Primjena Balanced Scorecard koncepta značajno utiče na poslovne performanse osiguravajućih društava u Bosni i Hercegovini". Ključne riječi: Strategijski menadžment, Balanced Scorecard, osiguravajuće društvo, poslovne performanse</p>
Datum	21.11.2017
Predsjednik	Dr.sc. Safet Kozarević, redovni profesor, uža naučna oblast „Teorija odlučivanja“ (Kvantitativna ekonomija), Ekonomski fakultet Univerziteta u Tuzli
Mentor	Dr.sc. Adisa Delić, vanredni profesor, uža naučna oblast „Menadžment i upravljanje“, Ekonomski fakultet Univerziteta u Tuzli
Član komisije	Dr.sc. Sabina Đonlagić Alibegović, docent, uža naučna oblast „Menadžment i upravljanje“, Ekonomski fakultet Univerziteta u Tuzli
Član komisije	-
Član komisije	-
Zamjenski član	dr.sc. Bahrija Umihanić, redovni profesor, uža naučna oblast „Menadžment i upravljanje“ Ekonomski fakultet Univerziteta u Tuzli
Dodatni detalji i lokacija	na Ekonomskom fakultetu Univerziteta u Tuzli, dana 21.11.2017. godine sa početkom u 12,00 sati
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.